



Ambasadori Češke, Japana i Nizozemske zasadili lipe u Aleji ambasadora

Nakon više od godinu pauze, koju je uzrokovala pandemija korona virusa, ponovo je upriličena tradicionalna ceremonija sadnje lipa ...



VIŠE NA LINKU

Počinje veliki infrastrukturni projekat na Alifakovcu vrijedan 1,4 miliona maraka

Općinski načelnik mr Ibrahim Hadžibajrić i direktorica firme Mibral d.o.o. Maja Bralović-Smith potpisali su 09. 09. 2021.godine Ugovor o izvođenju radova na rekonstrukciji kanalizacione i vodovodne mreže...



VIŠE NA LINKU

Općina Stari Grad izdva-ja još 50.000 KM pomoći Memorijalnom centru

Općinski načelnik mr Ibrahim Hadžibajrić sa saradnicima i nosiocima najviših ratnih priznanja - Zlatnih ljiljana i Zlatnih policijskih znački iz Starog Grada, posjetio je Memorijalni centar Potočari...



VIŠE NA LINKU

Nalogom Općine zatrp-ana opasna građevinska jama u blizini Katedrale

Građevinska jama na mjestu bivšeg Feroelektra, dubine dva metra, koja je predstavljala opasnost za građane i njihovu imovinu, kao i za odvijanje saobraćaja na obližnjoj saobraćajnici, zatrpána je čime je otklonjena opasnost i eventualne posljedice...



VIŠE NA LINKU





Ambasadori Češke, Japana i Nizozemske zasadili lipe u Aleji ambasadora

Nakon više od godinu pauze, koju je uzrokovala pandemija korona virusa, ponovo je upriličena tradicionalna ceremonija sadnje lipa u poznatoj starogradskoj šetnici Aleji ambasadora.

Općinski načelnik mr Ibrahim Hadžibajrić i predsjedavajući Općinskog vijeća Stari Grad

dr.sci. Mirza Batalović bili su domaćini ambasadorima Republike Češke, Japana i Kraljevine Nizozemske sa kojima su zajedno zasadili lipe. Nakon ove sadnje u Aleji ambasadora se nalazi ukupno 210 stabala lipa, koje su zasadali nekadašnji i sadašnji šefovi misija svojih zemalja u Bosni i Hercegovini.



Općinski načelnik
mr Ibrahim Hadžibajrić

Nastavili smo sa projektom 'Aleja ambasadora' i imamo u planu u narednom periodu pozvati 20 ambasadora koji trenutno služe misije u našoj zemlji, a još nemaju svoje stablo u Aleji, uključujući i novoimenovanog Visokog predstavnika u BiH, Christiana Schmidta. Ovo je definitivno jedinstven projekat u Bosni i Hercegovini, a možda i šire, u kojem ambasadori dobiju priliku da posade svoje drvo koje ostaje ovdje i poslije njihovog mandata.



Ambasador Nj. E.
Ivana Hlavsová

Mnogo mi znači i velika mi je čast da sam danas sadila lipu zajedno sa načelnikom Hadžibajrićem. Želim naglasiti da nisam nigdje u svijetu vidjela ovakvu tradiciju za ambasadore, i to je zaista nešto posebno. Sigurno ću i poslije završetka mog mandata posjetiti Sarajevo i obići lipu jer je ovo jedan poseban način na koji ambasadori ostanu zapamćeni, pa će stoga i moja misija u Bosni i Hercegovini na ovaj način ostati zabilježena



Ambasador Nj.E.
Makoto Ito

Mi nemamo ovakav običaj da ambasador zasadi stablo lipa u Japanu, tako da za mene ovo mnogo znači. Japan i Bosna i Hercegovina imaju dobre prijateljske odnose i ove godine obilježavamo 25. godišnjicu od uspostavljanja diplomatskih odnosa.



Ambasador Nj.E.
Jan Waltmans

Dobiti stablo u srcu Sarajeva je najljepši poklon na početku mog mandata. Sretan sam što sam preuzeo poziciju ambasadora u BiH, nadamo se da će Bosna i Hercegovina napraviti korake ka provođenju reformi kako bi se približila članstvu u Evropskoj uniji. Bosna i Hercegovina treba da bude u EU, ali prije toga se određene stvari trebaju riješiti. Ja i moj tim ćemo sarađivati dosta sa ljudima i van Sarajeva, sa mladim ljudima jer su oni budućnost države i oni moraju izgraditi kulturu gdje različiti ljudi u ovoj zemlji mogu raditi skupa, živjeti skupa i raditi ka pomirenju i miru.



POGLEDAJTE VIDEO PRILOG
KLIKOM NA IKONICU



Poččinje veliki infrastrukturni projekat na Alifakovcu vrijedan 1,4 miliona maraka

Općinski načelnik mr Ibrahim Hadžibajrić i direktorica firme Mibral d.o.o. Maja Bralović-Smith potpisali su 09. 09. 2021.godine Ugovor o izvođenju radova na rekonstrukciji kanalizacione i vodovodne mreže sa asfaltiranjem u dijelu ulice Veliki Alifakovac i ulicama Alifakovac, Maguda i Megara. Vrijednost radova koji će se izvoditi u ovim ulicama je 1.444.800 KM, a početak će čim se osiguraju svi potrebni uslovi uključujući i rješenje o obustavi saobraćaja nadležnog kantonalnog ministarstva.

Postojeća kanalizaciona mreža u dijelu ul-

ice Veliki Alifakovac je tehnički neispravno izvedena, dok u ulicama Alifakovac, Maguda i Megara nema položene kanalizacione mreže odgovarajućeg kapaciteta i kvaliteta. Što se tiče vodovodne mreže, postojeće instalacije su veoma loše i često dolazi do pucanja. Sve ovo stvara velike probleme stanovnicima pomenutih ulica, a usljed čestih kvarova potpuno je uništen i asfalt na ulicama.

Realizacijom ovog projekta će se poboljšati funkcionalnost, olakšati eksploatacija i što je najbitnije, smanjiće se gubici vode na ovom području.



Općinski načelnik
mr Ibrahim Hadžibajrić

Ovo je ogromna investicija i projekat u kojem ćemo zamijeniti kišnu i fekalnu kanalizaciju, kao i vodovodnu mrežu. Radi se o veoma starim instalacijama za koje vjerujem da se nisu mijenjale posljednjih 70 godina. Radi se o projektu vrijednom 1,4 miliona maraka, a 50-60% tih sredstva finansirat ćemo iz budžeta Općine Stari Grad. Uključila se i Vlada FBiH i Ministarstvo komunalne privrede, infrastrukture, prostornog uređenja, građenja i zaštite okoliša sredstvima od vodnih naknada koje pripadaju Općini Stari Grad. Značajno ćemo poboljšati uslove života naših građana u ovim ulicama i riješiti jedan dugogodišnji problem.



Direktorica firme
Mibral d.o.o.
Maja Bralović Smith

Nakon uvođenja u posao ćemo početi aktivno da radimo i nadamo se da ćemo veći dio posla završiti prije zime. Rok za izvršenje radova je 100 dana od uvođenja u posao i to je dobar rok ukoliko građevinska sezona ove godine potraje. Što se nas tiče mi ćemo pokušati u što kraćem roku da uradimo posao. Kada građevinska firma izvodi radove slijedi ako ništa drugo buka i prašina, a po svoj prilici i preusmjeravanje saobraćaja, pa će nam zaista trebati razumijevanje građana.



POGLEDAJTE VIDEO PRILOG
KLIKOM NA IKONICU



Općina Stari Grad izdvaja još 50.000 KM pomoći Memorijalnom centru

Općinski načelnik mr Ibrahim Hadžibajrić sa saradnicima i nosiocima najviših ratnih priznanja - Zlatnih ljiljana i Zlatnih policijskih znački iz Starog Grada, posjetio je Memorijalni centar Potočari i odao počast žrtvama genocida.

Općina Stari Grad izdvojila je prošle godine 50.000 KM za Memorijalni centar u Potoča-

rima, a u okviru inicijative kojoj se pridružilo 40-ak lokalnih zajednica iz FBiH. No, samo su Stari Grad i Grad Tuzla izdvojili po 50.000 KM, dok su iznosi ostalih općina i gradova bili manji. Načelnik Hadžibajrić najavio je da će Općina Stari Grad do kraja ove godine izdvojiti još 50.000 KM za podršku Muzeju genocida u Potočarima.



Općinski načelnik
mr Ibrahim Hadžibajrić

Došli smo ovdje sa našim nosiocima najviših ratnih priznanja da odamo počast, a poslije da sjednemo sa mještanima i sa ljudima iz Memorijalnog centra u Potočarima i Muzeja i porazgovaramo sa njima, da vidimo kako možemo pomoći i šta im treba. To je obaveza svih nas. A, mi ćemo iz Općine Stari Grad izdvojiti grant od 50.000 KM za Memorijalni centar i Muzej koji treba da se dovrši. To je već bilo na našem Vijeću i nadam se da će u narednih mjesec do dva ta sredstva već biti na računu Memorijalnog centra.



Šefket Hafizović,
predsjednik Upravnog
odbora Memorijalnog
centra Potočari

Neprocjenjiva je vrijednost ove posjete delegacije Općine Stari grad na čelu sa načelnikom Hadžibajrićem, koji je zapravo u kontinuitetu pristuan ovdje kao podrška u svakom pogledu. Oni svake godine za Memorijalni centar izdvoje po 50.000 KM, a da ne govorim o ostalim projektima u Općini Srebrenica i pomoći povratnicima Bošnjacima. Ovo je izuzetno važno jer je ovo samoinicijativni pristup očuvanju kulture sjećanja na genocid nad Bošnjacima Srebernice i Podrinja i to je nešto što treba biti konstanta svih nivoa vlasti.



Zijo Rujanac, predsjednik
Udruženja najviših ratnih
priznanja i odlikovanja
Općine Stari Grad

Mi smo se odlučili da mimo drugih dođemo ovdje u Potočare, Vlasenicu i Bratunac da odamo počast nevino ubijenim ljudima, žrtvama genocida i da vide da smo počeli da slušamo njihove vapaje, da nas ima češće ovdje nego što je to bilo u prošlosti. Obratili smo se našem načelniku Ibrahimu Hadžibajriću sa ovom idejom i on je to od srca prihvatio i pomogao da ovaj projekat uspije.



POGLEDAJTE VIDEO PRILOG
KLIKOM NA IKONICU



Nalogom Općine zatrpána opasna građevinska jama u blizini Katedrale

Građevinska jama na mjestu bivšeg Feroelektra, dubine dva metra, koja je predstavljala opasnost za građane i njihovu imovinu, kao i za odvijanje saobraćaja na obližnjoj saobraćajnici, zatrpána je čime je otklonjena opasnost i eventualne posljedice.

Služba za opću upravu i inspeksijske poslove Općine Stari Grad naložila je 02. septembra ove godine kompaniji Kol d.o.o. da u roku od 10 dana izvrši zatrpavanje građevinske jame na ovoj lokaciji. Radovi na ovom gradilištu obustavljeni su još od prošle godine, a građevinska jama se usljed većih padavina punila vodom, te je dolazilo do plavljenja podrumskih prostorija okolnih zgrada. Općinski inspektori kontinuirano su nadgledali ovo gradilište, te su

donijeli rješenje o otklanjanju opasnosti, a kad je investitor propustio da postupi po rješenju i nastavi radove protiv njega je donesen i prekršajni nalog u iznosu od 10.000 KM.

Kao krajnja mjera investitoru je upućena obavijest da u roku od 10 dana izvrši zatrpavanje jame, a ukoliko to ne učini, radove će izvesti Općina Stari Grad, a na teret investitora. Suočen s mogućnošću plaćanja troškova u iznosu od 100.000 KM, koliko je procijenjeno zatrpavanje jame, investitor je sam pristupio ovim radovima. Također po nalogu Općine Stari Grad, investitor je uklonio građevinsku ogradu, očistio teren i kompletnu javnu površinu vratio u ispravno stanje, za neometano kretanje pješaka.



Privatna firma Kol d.o.o. ima vlasništvo nad ovim lokalitetom

Podsjećamo, Općina Stari Grad je 2016. godine prodala firmi Kol d.o.o. vlasništvo nad 65% objekta bivšeg Feroelektra za 3.006.311 KM, a prethodno je investitor otkupio vlasništvo nad 35% dijela objekta od drugog vlasnika, te izmirio obaveze prema svim nosiocima stanarskih prava u objektu. Investitor je tada najavio izgradnju hotela Hilton na ovoj lokaciji u roku od 18 mjeseci. Tek nakon četiri godine, Investitor "KOL" d.o.o. je Službi za opću upravu i inspeksijske poslove dana 16.04.2020. godine prijavio početak građenja poslovnog objekta u ulici Mula Mustafe Bašeskije 16. Prethodno je Općina Stari Grad Sarajevo ovom investitoru izdala odobrenje za građenje za radove izgradnje poslovnog objekta – hotela na mjestu srušenog stambeno-poslovnog objekta u ulici Mula Mustafe Bašeskije 16. Od tog dana Služba za opću upravu i inspeksi-



jske poslove vršila je redovne kontrole gradilišta i kontinuiran nadzor kako bi se spriječila eventualna nedozvoljena gradnja ili opasnost po građane i imovinu.